



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

242. Notizen über verschiedene auswärtigen Kaufleuten ertheilte
Schutzbriefe oder Pässe mit Angabe der dafür zu leistenden Recognition,
aus den Jahren 1500-1519.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

241. Annahme verschiedener Hofbediente, im Jahre 1519.

Pawll friderich ist zw muntkoch meiner gnedigsten frawen auffgenommen vnnnd des pfflicht vnd Eydt gethann.

Bartolomeus wilcke ist zw der Jungen herfschafft muntkoch auffgenommen vnd darzw pfflicht vnnnd eyd gethann.

Hans ladewig ist zw hawfskoch auffgenommen, darzw hat er pfflicht vnnnd eidt gethann.

Martinus Niekamer ist vonn meinem gnedigsten Herrn zu kuchenschreiber, dem getrew vnd gewehr zusein, wie ehr des pfflicht vnd eidt gethan hat, auffgenommen.

Hanns Bergeman ist zu Ritter kochs knecht awffgenommen vnnnd darzw gefworen vnnnd eidt gethan.

Ludicke freyman von Grunynge, zwu meyll wegg von lubecke, ist zw knecht meiner gnedigsten frawen muntkoch auffgenommen, dar zw eidt vnd pfflicht gethann. Actum etc.

Vnnser gnedigster Herr vnd Churfurst zw Brandenburg etc. hat heut Dinstag nach oculj Im Neunzehenden Jar Peter Buttner zw einem gefworen botten auffgenommen, doch wil es sein k. f. g. ein Jar mit Ime versuchen, vnnnd ob er sich aber hir als ein trewer bot halten wurd, So wil sein k. f. g. Ime furder gnedigen willen erzeigen. Actum etc.

Nach dem Churmärkischen LehnsCopialbuche XXXII, 239.

242. Notizen über verschiedene auswärtigen Kaufleuten ertheilte Schutzbriefe oder Pässe mit Angabe der dafür zu leistenden Recognition, aus den Jahren 1500—1519.

Mein gnedigster herr, der kurfurst, hat herman Roser, Burger vonn Hamburg, In Irer gnaden schutz, schirm vnd versprechnus genomen. Actum Donnerstag Nach Decollationis Johannis, Anno etc. XV^c. vnd gibt sein f. g. Jerlich ein lagel reinfall etc.

Andreas Hornung von Leiptzk gybt ein lagell renfell.

Hans Nesselberg von posenow gybt ein lagell renfel.

Nyclus Solenoffkj von posenow gibt ein lagell renfel.

Karll Holtzschuer vnd Andreas Holtzschuer von nuremberg, gebruder, geben ein Lagell renfall.

Mattifs vonn End vnd claus wulff von Leiptzk geben auch ein lagell Renfall.

Volckmer von Winthem, burger zu Hanouer, mitfamt anthonien vnnnd Joften Blomen, gebruder, seiner swester sonen, dinern, Irer hab vnd gutern sind In vnser gnedigsten vnd gnedigen Herrn sonderlichen verspruch, schutz vnd schirm genomen vnnnd gleich ander die Iren zuuerteidigen auffgenommen, vnnnd ir Furstlich gnaden solcher vehlich vnd vngeuerlich gleyt gegeben haben, Doch bis auff widder ruffen vnd also das sie In allen Zollen vnnnd glayten irer gnaden Furstenthumb von ir wahr, hab vnnnd gutern vnnnd kaufmanshandlung pflegen souil sich geburt. Actum Coln an der Sprew, am Montag In den heiligen pfingsten, anno etc. XV^c. tercio.

Mein gnedigsten vnd gnedigen haben alsmus Moritz zu Maideburg In Irer gnaden sonderlichem schutz, schirm vnnnd versprechnus drey Jar lanng auff genomen, nach dato nach einander volgend, dauor Er Iren gnaden Jerlich auff neu Jarstag I lagel Sufs weins gibt. Actum am Dinntag Nach Inuocauit anno etc. quarto.

Vnser gnedigste vnd gnedige Herren haben pawll Behem von Posenow, zusampt seinen dinern, hab, kauffmanschatz vnd gut In Irer f. g. schutz vnd schirm, gleich ander irer f. g. vnderthanen zuuerteidigen, auffgenommen vir Jar lang, den nechstenn nach dato des briues volgende, vnd soll alle Jar zu schutz geben ein lagell Reynfall. Actum Collen an der Sprew, Dinntags Nach Bartolomej, anno etc. XV^c. quinto.

Vnser gnedigster vnd gnedigen Herren haben Augustin Maffon von Genua vnnnd Mariothen von Capella von Florentz, wahelen, mitfambt Iren gefelischafftern, dynern, kauffmanschatz, hab vnd gutern In Irer f. g. sonderlichen schutz genomen vnd darzw drey Jar nacheynander In Irer f. g. Landen geleittet, dargegen sollen fye Iren gnaden alle Jar eyn lagel sufs weyn geben. Actum Colln etc. am tag vitj, Anno etc. XV^c. Septimo.

Vnser gnedigsten vnd gnedigen Herren haben Mathias melber, Burger zu Nuremberg, VI Jar lang von dato in Irer furstlichen gnaden schutz vnd versprechnus genomen, dar vor sol Er Iren f. g. Jerlich I lagel sufsweins oder Souil gelts der zur Zeit gelten wurt, geben. Actum am Mitwochen nach Innocentium Martyrum, Anno etc. Octauo.

Vnser gnedigst vnd gnedigen Herrn haben ludwig alman, Burgermeister zu Magdeburg, Inn Irer gnadenn schutz vnnnd versprechnus drey Jar lang genomen, gibt Jerlich ein Lagl malmafer vnnnd soll auff New Jar angeen. Actum Dinntags nach omnium sanctorum, anno etc. vndecimo.

Vnser gnedigsten vnd gnedigen herren haben heut dato hanfer Meselberger vnd Marcus Sultzer, Burger zu posenow, In Irer gnaden schutz vnd versprechnus

drey Jar lang auffgenomen vnd sy geben Jerlich I Lagell malmausir. Actum am Sontag Trinitatis, Anno etc. duodecimo.

Andres Hornigk von leiptzigk hat hewt dato II lagell suss weyn zu schutz gegeben, die hat andres Lintholtz alhir geantwort. Actum Montags nach felicis In pincis, anno XIII.

Vnser gnedigster herr hat heut dato dy welffer vnd Ire gefelschaffter mit Iren deneren, hab vnd guttern In Irer gnaden schutz funff Jar lang genomen, geben Jerlich I Lagell Sussweins. Actum Sontags Misericordias domini, anno etc. XIII.

Mein gnedigster Herr Churfurst hat Peter Zommermann vnd lucas Meyer vonn Augspurg in Irer gnaden schutz, schirm vnd versprechnus laut der fur in genomen. Actum am Donnerstag nach der XI^m Jungfrawen tag anno etc. XIII.

Mein gnedigster Herr, der kurfürst, hat Lorenntzen villanj von Florentz sampt seiner hab vnd gutern in Irer gnaden schutz, schyrm, versprechnus, sicherung vnd gleit Ine gleich andern Irer f. g. vnderthanen vnd dienern zuuertheydingen aufgenommen, bis vff widerrufen, Dargegen soll Er alle Jar ein lagel Reynfal geben. Actum Collen etc., in der vnschuldigen kyndlein tag, Anno etc. XIII.

Vnser gnedigster herr hat Caspar Boyen sampt seinen kauffmanschatz, hab vnd gut ein Jar langk in seiner gnaden schutz, schirm vnd gleit genomen. Actum montags nach assumptionis marie, Anno etc. XV.

Vnser gnedigster herr etc. hat Benedictus Gademan, burger zu Braunschwig, sampt seinen kawffmanschatz, hab, gut vnd diener drey Jar lang, nach einander folgende, In seiner gnaden schutz, schirm vnd gleyt genomen, Gibt Jerlich zwey fhas mumhen. Actum Sunabents nach Inuocavit, Anno etc. decimo Sexto.

Mein gnediger herr, der Churfurst etc. hat Raphaheln vnd Rudloffenthorrifam, gebruder von Florentz, sampt Iren dienern, pferden, kaufmanschatz, hab vnd gutern II Jar lang, die nechsten nach data volgend, in seiner kurfürstl. g. schutz, schyrm vnd versprechnus Sy gleich anndern seiner g. vnderthanen vnd dienern zu vertheidigen, aufgenommen vnd Inen seiner gn. sicher, fridsam vnd vngeuerlich gleith in seiner curfl. g. landen gegeben, Doch das Sy Ir guter verzollen, wie sich geburt. Dargegen sollen Sy meinen g. h. yglich Jar I lagl Susswein geben. Actum am tag Simonis et Jude MDXVI.

Zabell Trittelwitz vom Sunde Ist von heut dato V Jar lang In meins gnedigsten Herrn schutz vnd versprechnus aufgenommen, sampt sein diner, kaufmanschatz, hab vnd guter, vnd gibt Jerlich ein Lagel sussweins. Actum koln, am tag Margrete, Anno etc. XVIII.

Sebastian schmit von Franckfurt am Meyn Ist von heuth dato an drey Jar lang In meins gnedigsten herrn schutz, schirm, versprechnus vnd glait sampt seinen Dienern, hab vnd guttern aufgenommen, vnd gibt Jerlich ein lagell Malmausir. Actum koln, am dinstag nach Trinitatis, Anno etc. XVIII.

Vnser gnedigster Herr, der Churfurst, hat Siuert fresen Sechs Jar lang nach einander Inn Ir schutz vnnd schirm vnnd versprechenn auffgenohmen, vnnd gibt Jerlich dauor zwey schock glasss vnnd ein Bir glas vmb IIII pfenning. Actum am Donnerstag nach vitj, Anno etc. XVIII.

Vnser gnedigster Herr hat Benedictus Gademan den schutz drey Jar lang volgend nach einander erstreckt. Actum Freitags nach Oculj, anno etc. XIX.

Vnser gnedigster herr, der churfurst, hat Jacob vnd achim heddendorffer, gebruder, vnd Henningk koch funff Jar lang, nach dato folgend, mit Iren pferden, dienern, wagen vnd guthern In Iren schutz vnnd schirm aufgenohmen, dafur Sie Jerlichen seinen churfurstlichen gnaden ein fass mume geben sollen vnd dasselbige, wan sein k. f. doselbst Bir holen lasse, mit aufbeschaffen, wu aber solicher fhure do nicht were, sollen Sie dasselbige fass Mamme vff aigen costenn hieher Ins Slos gen Coln zuschickken. Actum am freitag nach Fabianj, Anno etc. XIX.

Aus dem Churmärktischen Lehnscopialbuche XXXI, 259—279.

243. Kurfürst Joachim entscheidet Streitigkeiten seines Apothekers Peter Hohenzweig und des Magistrats zu Berlin und Cöln, am 4. Juli 1520.

Wir Joachim, kurfürst, — bekennen — nachdem — Burgermeister vnnd Rathmanne Beyder vnser Stette Berlin vnd koln vnnd vnser Apotecker zu Berlin, peter Howentzweigk, etlichs vortrags halben Irrig gestanden vnd doch nach vilgehalten Handlung bisher zwischen Inen dieser Irrung kein malz hat mogen teylen, auff vns, als den landffursten beruffen, vnd die sachen mechtiglich auff vns zu entscheiden gestalt, Also haben wir sie nach genugfamer verhorung gruntlich vnd entlich vertragen, In dieser gestalt, wie nachvolgt. Erstlich soll gedachter peter Howentzweigk, Apotecker, fur alle beswerung den Rethen beyder Stette Jerlich geben drey gulden an muntz landzwerung vnnd sunst In craft etwan seins vorfahrn privilegiumbsz frey sein, Dagegen sol er sich aller Burgernahrung gebrauchen vnnd macht haben, Sulle vnnd ander weyn zu schencken, doch das er dem Rath daran thwe, wie ein ander Burger. Es soll auch außerhalb der rechten Jarmarckte sich nymants vndersteen, Confect feyl zu haben oder zu verkauffen, deszgleichen kein geferbt Wachs, doch das peter, der Apotecker, das Confect vnnd wachs vnnd ander materialien vngeuerlich gebe In dem kawff, wie mans zu Leyptzk In den Apotecken gibt. Was der Herrschafft Landeshofz belangt vnnd so man In die Herrfart dienen soll, auch wach vnnd brunnengelt, sol sich der Apotecker einen anderm Burger gemesz halten, dieser Vor-